

管窥论语

风后 编著



中国文联出版社
<http://www.clapnet.cn>



管窥论语

风后
编著



中国文联出版社
<http://www.cflapnet.cn>

图书在版编目(CIP)数据

管窥论语 / 风后编著. — 北京: 中国文联出版社, 2017.8

ISBN 978-7-5190-3026-1

I. ①管… II. ①风… III. ①儒家②《论语》—研究

IV. ①B222.25

中国版本图书馆CIP数据核字(2017)第218899号

管窥论语

作 者: 风 后

出 版 人: 朱 庆

终 审 人: 陈宝光

复 审 人: 郭 锋

责任编辑: 刘 旭

责任校对: 傅泉泽

封面设计: 赵豪杰

责任印制: 陈 晨

出版发行: 中国文联出版社

地 址: 北京市朝阳区农展馆南里10号, 100125

电 话: 010-85923043 (咨询) 85923000 (编务) 85923020 (邮购)

传 真: 010-85923000 (总编室), 010-85923020 (发行部)

网 址: <http://www.clapnet.cn> <http://www.claplus.cn>

E - mail: clap@clapnet.cn liux@clapnet.cn

印 刷: 北京华忠兴业印刷有限公司

装 订: 北京华忠兴业印刷有限公司

法律顾问: 北京天驰君泰律师事务所徐波律师

本书如有破损、缺页、装订错误, 请与本社联系调换

开 本: 880 × 1230 1/32

字 数: 97千字 印 张: 7.875

版 次: 2017年8月第1版 印 次: 2017年8月第1次印刷

书 号: ISBN 978-7-5190-3026-1

定 价: 26.00元

版权所有 翻印必究

自序

宇宙无极，大道无限，天地精妙，人事波澜。身虽微小却处之广博，命虽有崖却行于无往。万物载道，人应好之；道运万物，理应察之。道无止境，体无止境，用无止境。为天地悟道，为众生图文明。

三皇五帝，诸子百家，玄谈禅悟，心理古今，皆吾人明哲贤思。然今人万不可以谄媚自矜之心以乱性，亦不可以刻舟求剑之法以愚世。志学慎思，明道践行，方不负先哲，不误圣道。

往圣绝学，儒之为先。管窥之见，皆出于敬。温故而出，行以践圣。或斗宵之言，或虚妄之见，皆无意立世继绝学，唯有心课业报夫子。

吾无意贬抑圣门，诬圣为高；亦无意瑕疵毁玉，借造黑白。厚夜孤灯，手卷如聆夫子；静居安隐，释心以求圣道。唯道者人类之使命，文化者国家之精脉，教育者立世之根本。止之以拜道，失之以文化，功利之教育，皆自毁之途也。

诸评以迎，然无和以应。因相击违道，亦失吾心。吾无意超凡于世，然有心独立于天地！

2015.3.1

目 录

一、学问第一	001
二、问政第二	009
三、八佾第三	021
四、里仁第四	033
五、公冶长第五	045
六、雍也第六	059
七、述而不作第七	075
八、泰伯第八	091
九、子罕第九	101
十、乡党第十	113
十一、先进第十一	119
十二、颜渊第十二	133
十三、子路第十三	145

十四、宪问第十四	159
十五、卫灵公第十五	179
十六、季氏第十六	197
十七、阳货第十七	207
十八、微子第十八	219
十九、子张第十九	227
二十、尧曰第二十	239

后记	245
----	-----

一、学问第一



1. 子曰：“学而时习之，不亦说乎？有朋自远方来，不亦乐乎？人不知而不愠，不亦君子乎？”

（管窥之见：学而成人，开卷之首，亦人生之要。习之践行，乐之闻道，人不知而易生责、生恶、生辱，而君子因志坚故不愠。三者皆言道，君子务道，道立而性生，性生而情发，情发而身行，身行而形色，形色，世事也；世事皆以道运，故为之要。）

2. 有子曰：“其为人也孝悌，而好犯上者，鲜矣，不好犯上，而好作乱者，未之有也。君子务本，本立而道生。孝弟也者，其为仁之本与！”

（管窥之见：孝悌者，王道之本，非君子之本。孝悌举，纲常通，天下序，王道长。故教人以孝悌无碍，然教人以孝悌在于鲜以犯上者，则不厚也。忠孝皆含道，然君子忌之为愚。愚孝者，易宠父母之不仁；愚悌者，易助兄弟之不义。故君子施

公孝施正悌，公孝则无私，正悌则有义。道生性、性生情、情生行。君子以道为本，本立而孝悌生。孝悌也者，其为行之末也。）

3. 子曰：“巧言令色，鲜矣仁！”

（管窥之见：巧言令色，必不仁；仁者，必不巧言令色。夫子见地之言。）

4. 曾子曰：“吾日三省吾身：为人谋而不忠乎？与朋友交而不信乎？传不习乎？”

（管窥之见：心中有道，方可自察自审，自省性情，自净身行。心中无道，法度察审。故于有道者，法度无存；于无道者，处处法度。）

5. 子曰：“道千乘之国，敬事而信，节用而爱人，使民以时。”

（管窥之见，为政三思：道政德也〈而非隆礼，隆礼伪性〉。于道制律，律旨在明；于政制法，

法旨在公；于德制则，则旨在约。律明则道进，法公则政清，则约则德立，德立则文明。文明者，举事敬慎、民自诚信、节用爱人、作事以时。）

6. 子曰：“弟子入则孝，出则弟，谨而信，汎爱众而亲仁。行有余力，则以学文。”

（管窥之见：弟子修身以孝悌信爱众，不如以则束人于不孝悌信爱众者易致。德无责无以立。孝悌信爱众本无可厚非，然若作为忠君之术，王道之基，则不可不惕。）

7. 子夏曰：“贤贤易色；事父母，能竭其力；事君，能致其身；与朋友交，言而有信。虽曰未学，吾必谓之学矣。”

（管窥之见：好色者，人之天性也；易色者，人之理性也。天理之往来，已述不赘。事父母，能竭其力，但忌愚孝。事君，能致其身，但忌愚忠。与朋友交，言而有信，但忌愚信。虽曰未学，吾

必谓之学矣，然愚孝、愚忠、愚信，未学之害也。）

8. 子曰：“君子不重则不威，学则不固。主忠信。无友不如己者。过，则勿惮改。”

（管窥之见：君子谓不重者，道也〈此篇窃以为皆言道〉。不重道则不独立，不独立者故学不固。志于道谓忠也，坚于道谓信也，故主忠信，谓亲道也。无友不如己，则己何为人友？故“不如”者谓道不同，道不同则志不同，故“不友”谓不同志也，非不交。过之功，在于改也。）

9. 曾子曰：“慎终追远，民德归厚矣。”

（管窥之见：君子曰终，小人曰死。慎终者，丧尽其哀；追远者，祭尽其敬。君能行此，民德归厚。慎终于周，追远于尧舜，其意不在民德归厚，而在于王统也。且民德归厚应与时于性，其归厚在于内教外法而非慎终追远。）

10. 子禽问于子贡曰：“夫子至于是邦也，必闻其政，求之与？抑与之与？”子贡曰：“夫子温、良、恭、俭、让以得之。夫子之求之也，其诸异乎人之求之与？”

（管窥之见：温良恭俭让人德地则善，入兽地则毁，入王统则阉，入帝治则奴，故温良恭俭让不如温而力〈自强〉、良而智〈智慧〉、恭而明〈明达〉、俭而称〈称度〉、让而合〈合道〉也。）

11. 子曰：“父在，观其志；父没，观其行，三年无改于父之道，可谓孝矣。”

（管窥之见：人忌愚孝。父在无私，助其正误，以保其名节；父没有情，能尽其未尽，以其全心意，可谓孝之道也。）

12. 有子曰：“礼之用，和为贵。先王之道，斯为美，小大由之。有所不行，知和而和，不以礼节之，亦不可行也。”

（管窥之见：音阶之和，在于等级之礼。音阶之作，人为也；自然之声，方为大乐；自然之声，源于万物；万物之状，众生之形也。圣人为天子制礼，不如为政立法、为德立则。法则护自然之大乐，非以礼，节伪乐之和。）

13. 有子曰：“信近于义，言可复也。恭近于礼，远耻辱也。因不失其亲，亦可宗也。”

（管窥之见：信合乎宜，言可践。敬节于礼，远耻辱。言行交际，谨之于始虑其所终，此为信恭之道。夫子言之至理。）

14. 子曰：“食无求饱，居无求安，敏于事而慎于言，就有道而正焉，可谓好学也已。”

（管窥之见：安饱者，心宽体舒。志道者，神通魂澈。志道者高于安饱也，神魂者胜于心体也，通澈者优于宽舒也；事含道故敏，道无穷故慎；难得有道之人故问其是非。皆为好学之道也。）

15. 子贡曰：“贫而无谄，富而无骄，何如？”

子曰：“可也。未若贫而乐，富而好礼者也。”

子贡曰：“《诗》云：‘如切如磋，如琢如磨，其斯之谓与？’”子曰：“赐也，始可与言《诗》已矣！告诸往而知来者。”

（管窥之见：无谄无骄，源于心中有道，无关贫富。贫而霸骄、富而媚谄，时相可见。夫子之言，似乎超于贫富之物境之外，实则陷人为之乐、等级之礼更切谄骄之心境。且乐贫、礼富只见有助于王统帝治，未见滋养于物达性真。）

16. 子曰：“不患人之不己知，患不知人也。”

（管窥之见：已知知人，重在自知。自知者，人易知己，亦善知人。）

二、问政第二



17.子曰：“为政以德，譬如北辰，居其所而众星共之。”

（管窥之见：君德不可依，民德不可保，事德不可凭，何以为政以德？）

18.子曰：“《诗》三百，一言以蔽之，曰：‘思无邪。’”

（管窥之见：邪乃性也，无邪，率性也。故诗之道，在乎于性情也。然思无邪生于世无利、性不杂之昔，而暗于世有利、性起惑之际，终兴于世大利、性真全之时。）

19.子曰：“道之以政，齐之以刑，民免而无耻；道之以德，齐之以礼，有耻且格。”

（管窥之见：教之以法制，齐之以刑罚，天下之系统有序；耻于羞愧，情之所致。情者，关于道性之化，无关运转之法。如恒星之光，并非运转所生。若教之以德，齐之以礼，无政无刑，则